

Uthgaue vor de gebreckelikē vñ Armen olden mynschen.

De mynschen so yn vnser yngeparreden vorsamlynge vñ kerckspeel vth thofellen by vns vorarmē van ouden fründen/ efft se etlyke vor:mögelyke der sulfften hedde/ myt hulpe vor:lathen weren. Ock welkore vth krankheyt edder older/nicht arbeyden künne/ vnd nottorfflich arm weren/ scholē doch de teyn vorstender/wekenlick alle Sondage/vnd sust na gelegen heyt/vth vnsem gemenē kassen gehalten vnde vor:seen wer:den/ Also/dat ouden lyff vnd lenent / godde tho eren vnde leue/vth mangel nottorfflicher husynge kledinge/nerynge/vñ war dinge/forder thokrencken/sweten vnd vor:korten/vth Christi lyker leue/behot syn mögen/vnd yo van keynē armen/vnder vnser vorsamlinge/sulcke stucke der gelyken nottorff/opentlick geropen geklaget vnde gebedelt werden do:ffen/dar vñe scholen de teyn vorstender/mit grotem stedē flyte/vorsaringe vnd nafor:shinge vorwendē/vnd warhafflich grundlick wetz ten hebben/aller sulcker armen/alse bouen/yn der stadt vnde dorperen/bynnen vnsem gantzen parramppte effte kerckspeel vnd dar ouer alle Sondage radtslagen/vnd de namen der yeningen armen/welkore also vor:forschēt/vnd ouden hulpe thodon besloten/scholen myt sampt dem besloten radtslage/yn dat handelbock/kerlick yn geschreuen werden/dar mede dat vor:mögent vth vnsem gemenen kassen / ordentlick vthgedelet werde.

Uthgaue vor de zweysen vnd armen kynder.

Arme vorlatene weysen/scholē myt tucht vnd lyues nottorff/so lange se ouden brod vordenen vnd erarbeyden können/doch de vorstender vth dē gemenē kassen bynnē der stadt vñ dorperē/vnser gantzen parramppts nā gelegenheyt vor:orges